

又有一簡剖爲兩半或卽當時之符節流沙墜簡中尙無此類同時又發現有黃龍元延諸年號距今已一千九百六十餘年矣

### 二木牘

此爲十七年秋在拜城和色爾佛洞所掘拾者洞臨木札特河旁依岩作洞石室林立凡三層下中二層均爲外人掘拾殆淨惟上層有一二洞未經前人到過乃攀緣凌空而上掘現版牘十餘兩面均書有當時通行之文字類梵文疑玄奘西域記所謂文字取法印度而略變其體者是也寬窄長短不一大者長八寸寬二寸小者長六寸寬三寸餘上畧窄中有孔爲繫繩之用古時函牘之制由此可以窺其大略也